


T3144/0223.71(3)



T3144/0223.7A



CHINESE-JAPANESE LIBRARY
HARVARD-YENCHING INSTITUTE
AT HARVARD UNIVERSITY
JUN 30 1947



彰德府續志卷之中

人物志

東野子曰。人才之生也。鍾山川靈秀之氣。沐

國家教化之澤。學以定志。志以弘才。才以致用。其

自期待者。豈曰取爵位求利達已哉。樹勲業於當

時。垂聲光於後世。此士之所以汲汲也。是故君子

之道。居尊則佐國而安民。居卑則奉公而修職。處

常則行義以達道。處變則秉志而著節。安於所遇

哈佛大學漢和
圖書館珍藏印

彰德府續志

卷之中人物

吳

歸盡其心而已矣。鄴郡士厚風樸，士生其間，質直
貞慤，無浮僞夸譎之習，往往篤於慕古而少通果
於自信，而多執仕宦而成名于時者，庶於進取而
勇於靜退，急於公義而緩於身圖，誠於效忠而拙
於遠害，此其大端也。是故通顯者寡，逸阨者衆，豈
亦風土氣習使然哉？抑遇合有命，非人力之所能
與也。余故特著于篇，俾尚論者有考焉。

李鏊字時器，湯陰人。天資穎敏，氣宇端凝，接物和
易，中和可犯，智慮邃密，外不欲彰。成化壬辰進士，
授都水主事，管河臨清，改作板閘，又緝內使私鹽
數萬引沒官，復除刑部，遷員外郎，郎中，奉命賑
山西饑，民多活，流民有爲盜者，鏊入其巢諭還本
業，開渠灌田萬頃，民刻石頌德。擢鴻臚少卿，諫罷
鄧常恩廢職，及毀西山戒壇，弘治初，數上言便宜，
大宰王端毅賢之，再擬巡撫，會有沮之者，遷南京
太僕少卿，再遷光祿卿，削冗濫之奉，抗章數工部

苟具器用耗財無益遷工部侍郎虜入榆林

命兼憲職治餉虜遁還

朝言十事且謂外攘宜

先治內今盛齋醮嗜燕游寵他技以雜金紫畜異

禽以糜梁肉此好漸長恐顛正道遠人偵何以順

逆邊方觀視以勤惰命山東視漕上言堽城之

壩毋毀洸河之塞毋通浚泉疏水漕利可復邊臣

奏密雲將有虜宜備之上曰非鏊往不可召至

榻前

諭旨鏊始至簡將廣儲已乃治壁壘飭器

械守險隘梁溝澗墾荒田舟河流悉有成績上

謂司馬大夏曰鏊果善幹國者正德初遷尚書劉

瑾用事惡先朝大臣不附已遂致仕瑾誅詔起

還部加太子少傅四辭乃允其疏畧云德稱位者

安寵踰分者危公論宜之則榮衆指疵之則辱君

之於臣在遂其忠毋徒溢其秩是後佞幸益雜修

建大增鰲山之戲內苑之供造軍器織繒綺豹房

僧寺鎮國延壽疑翠犬素知殫刻畫色累金碧文

石采瓦窮麗極奢公隱憂顯諫未嘗遽已也。內
宮災新作之。鏖雅有心計量物平價擇舊成新費
省而工堅諫疏歲數十上其曰漢文之賢罷露臺
而著隋帝之敗開汴河而致蓋民所有惟財與力
力竭則懟財散則叛今亡徵已顯可又促之屢請
停他營併成內宮。上或奪俸示譴或間從一二
大監劉養監各工鏖與議不協面叱之養素寵貴
泣愬于。上前直鏖不究嘉靖改元年七十有五

曰吾在先朝義不可去今

聖主興遺賢進吾納祿讓能此其特乎歸來八年

春秋祀墓外靜坐觀書不出戶庭不燕飲無音樂

蓋天性節約至老不渝云卒年八十二謚恭敏

賈錠字良金安陽人幼有奇質立志苦學成化戊

戌進士授文水知縣民俗健訟錠務以德化刑不

輕用徵為監察御史出按遼東都指揮李其文橫

不法錠首劾之再按兩浙值溫處礦賊構亂錠員

險勦平之陞福建按察僉事時建寧礦賊為患撫
臣薦銳才整飭兵備境遂獲寧邊副使歷按察使
左右布政使宦轍所至咸有聲績晉都御史巡撫
陝西時逆瑾竊政羅織百司以銳居方岳直轄不
阿坐事罰米千斛輸邊猶懼他禍遂乞歸優游林
下者十有六年卒年七十有六

崔陞字廷進先山東樂安人父剛舉人材官趙
府庫大使遂籍安陽童時會父辭祿居貧諸兄各

出自營獨陞業儒攻書至為專篤母勸令勿業弗
聽踰冠未有室給事中李公和賢為妻以女明年
舉鄉試己丑舉進士授工部都水主事改兵部復
除禮部主客主事番人踰格請業賂鈞樞許之日
趨上議陞執不僉名番人夜持名貨來謁叱出之
旦聲其事遂寢再補武選遷職方員外部雖歷三
部階五品然儻屋以居出則瘠馬布袍猶寒士也
先是星變求言陞與餘干蘇章同奏監臨干政妖

僧靈感接庇恤。壬寅逐忠良所致。又言尚書王恕
今之伊傳。不宜冒之。留都不報。時他言者頗及
官秘。上怒。書言者姓名于屏。遷則以其級。或予
遠惡地。吏部故違陞之遷。

孝宗即位。乃除延安知府。邊郡瘠。耕。習猾俗。鄙。至
則立規畫。謹簿書。節浮費。退果蔬。私園。已乃清疆
場。覈徵稅。平徭役。鋤豪強。招流亡。墾荒閒。實廩庾。
敦禮布惠。黜邪興學。咸鑿鑿當名宦。宜川令侈而

貪。陞廉其實。罷之。有杜文祥者。巨猾也。魏林為
挾官吏。橫行閭里。每大言曰。崔誠好官。素貧。吾起
大獄。窘之。陞佯若不知。已有發其殺人者。陞鞫
之。然罪不至死。卒比法。生之。出帑金。必令貳。俸署
狀。以遠嫌。先是郡大饑。流亡太半。及陞莅郡。復者
十六七。會屢稔。銀一錢。易米八斗。遷四川右叅政。
行部。勾稽既詳。顧又喜廉。減否。蜀人有屹如雪山
之謠。嘗如松茂。感瘴久不愈。遂致仕。陞篤實村簡。

性剛少容，允締交者，雖狎不敢玩。嘗曰：吾小心謹慎人也。入仕三十餘年，自蜀歸，始有屋一區，膏田二夫，笥靡麗服，家無飾銀之器。晚好讀易，通鑑綱目，有得標識簡端，壽八十有八卒。子銑，自有傳。馬圖，字道原，林縣人。髫年爲諸生，非人記問，獨繹經傳，作義辭，旨雋如也。舉鄉試，授巴陵知縣。縣衢午達，日迎送，弗給圖，讞獄省賦，雜奸興利，蔚有聲稱。已改興縣，民囂訟狎，法官罕終任。圖推誠布澤，

澤已盡下，貨惡與新，究其怙終者，故習大革。九載去任，民立祠祀之。值逆瑾亂，銓政改東昌，推官已又矯旨革罷，調官瑾誅起，倅淮安，流賊萬人入境，守劉祥意邀功，大募盜徒，往擒圖，料失計，力止弗聽。果被執，佐郡平訟，止征都御史陶璫，歎其廉。陞沁州知州，民俗樸質，圖益尚平易，廉後種蔬，自給，尋致仕。圖心淳質厚，平生無雜好，老而入城，不騎子卿，以浙轄謫，滇守送者爲悽惻，圖慨然曰：文

夫志在萬里。適滇如履。堂與聞耳。所著有林縣志。俚語家教。族譜家祭儀節。年八十卒。後贈都察院右副都御史。子卿自有傳。

李道字應元。少穎敏。兄知州文授以朱氏詩。即通悟。弱冠補諸生。篤學攻文。解剝經傳。妙得玄旨。鋪衍章句。駁發竒思。憲臣試已。輒傳其文。式七郡士。道以經學授徒。多被薦者。道屢試弗第。弘治中。貢太學。需選家食。趙莊王聞其賢。親訪于家。延

為賓友。待以殊禮。俾世子及兩郡王受學焉。王德六年。授漢中推官。南鄭民周海內。淫事露。同官為餽千金。欲移罪于其傭。滿道不可。論海如法。王端淫其弟政妻。殺政絕口。託言噬于虎。道驗手有刀痕。駁守成案。亦論端于死。會蜀盜起。流掠漢中。道從總制藍公綜理軍務。且督運餉。又奉臺檄城鳳及城固二縣。俱免盜之。城當城鳳時。偶痰作。幾斃。稍寤。歎曰。是日夜齟齬。泛泛窺官。暨積雨。道於

何有乃致仕還郡居官僅八月云道高年神志伉
朗性樂文史不倦其所教士入官者數十秦旦石
永尤著名卒年八十有八朴曰李公余外祖也當
赴官漢中時余生才三五月其後長育教訓日冀
成立朴官翰林三年公乃棄世少時侍公左右每
談郡中舊事以示朴聞居官廉者則稱揚之貪者
則嗤鄙之士類有好利不檢者不欲言於人而私
以戒朴勿效也始宦歸先世田屋無所增益公授
三子賴 康王假田三百畝取租以自給觀書吟
詩外未嘗言及時利事嗚呼儀刑風範今不可作
矣痛哉

張士隆字仲修安陽人警敏過人書再經目不忘
古人奇文奧旨覽即通解有口辯論事亶亶不倦
居職以直言敢諫為忠而志切持法擊奸興功立
事期樹不朽之業弘治十八年舉進士初授廣平
推官莅政嚴明民畏憚之擢監察御史時朝臣多

黨附大臣交為權利士隆深惡之光祿卿李良者
諂事劉少師得右職又以女字少師孫少師去位
良詐言女死絕婚士隆劾罷良出按河東鹽法運
使劉瑜貪恃與援已遷參政士隆劾罷之抑豪右
均支給歲課倍入暇建正學書院選士授經鑿青
石槽開茅津皆為大衢 內宮災上疏切諫時弊
不報再按鳳陽織造中官史宣酗酒作威大括財
賄行荷二挺曰賜杖撻拒令者自都御史以下不

敢禁士隆劾其貪橫還理道事有張順者京大猾
也隨中官鎮雲南毆門子死潛回匿京師雲南守
臣移文逮之急乃出以二隸押送至桃源重貨二
隸竊取病丐斃之二隸告順死勘實給文歸已三
年士隆閱案疑之密偵得順坐殺二人罪時錢寧
大有寵家鵬附之自師保元臣相與接席交歡士
隆率同僚疏其罪鵬寧大恨罷職御史薛鳳鳴殺
人為巨盜被逮又夜自殺二婢置朝門外懷牘訴

彰德河賈志 卷之二十一 張士隆 吳

寬鳳鳴素兌復且富當按者即遜去累年不決都
御史彭公以獄付士隆及御史許完掠治取服鳳
鳴知事急重貨錢寧上其愆下士隆暨完獄俱誦
外任士隆判晉州教民耕桑如齊民要術法果倍
入澤水決爲數縣災臺檄士隆塞之績成晉人紀
焉

世宗即位復士隆御史尋陞副使兵備漢中其地
空谷間大白間長廣數千里有良田美隩宜教

竹木之利民洵沙得金遁逃者擅爲業歲與官軍
交通則吞併弱小賊大盜伺便出掠報警殺人官
不敢捕士隆初莅任首按軍官擊貪選良捕習變
革巨寇王大闢仲良輩通回惠爲惠所在皆立親
識號曰賊王士隆召主諭令擒賊吾賞汝功否則
率軍焚山衆叩頭曰願効力居數日各獻賊又取
賊主怙惡者十餘家破滅之境遂大安乃堰響水
溉田千畝立隄防溢又修雲霧水未成卒年五

馬卿字敬臣，林縣人。知州圖之子也。少而穎敏，擢文清峻。年十七，舉鄉試，入太學。會海內諸名士，績業弘。治十八年，舉進士，改庶吉士，授給事中。再遷左給事中。同考會試時，主考靳學士奴洩試題於外。卿請究之，竟坐奴罪。靳大愧恨，吏部出卿為大名知府。時薊盜為亂，卿嚴備有方，畧賊不敢近。正德七年，河決，衆謂宜請大臣董役。卿恐煩民，自塞

之。疏請留運米救荒，得報遂散，無餘賑濟。侍郎王某入境，見道樹不伐，民皆安業。始怒而卒稱之。僉都御史竇杲者，已除名，厚賂闈永，求復官。擒賊永諷言官薦之。時卿在工科，同官有及之者，卿奮袂曰：「世果無人，寧用鴛如卿者？」畿內可復，令渠壞之。邪已而傳。旨復杲官，巡撫真定。討群盜，杲欲中以危法至郡，威脅語侵卿，不為動。亦無從得聞。乃令供軍需二千金。卿謂必得印移乃可，卒如請。御

史張存仁者按治屢示意索賂卿不內張屢問事以動之未久二子俱敗他郡守以下皆坐罷卿由是益著名遷浙江副使兵備溫處諸郡尋調山西提學發揮理學敦考行誼梓文章正宗以振時文之陋遷右叅政妖民張鉞欲乘晉府發喪入城爲亂卿先知有備鉞不得發遷浙江右布政使中官造幣於杭自擅權利久不訖工卿及御史歐珠協心裁抑色料招商平價悉委杭守查仲道公私

稱便中官奏卿及查守抗命逮錦衣獄治率自引罪歐史疏救之有旨俱降秩卿降鶴慶知府遠郡事少民樸卿才優於治夷俗爲之一變土官鳳朝文安銓據境叛殺官攻城且逼會省或指間道可逸卿厲色曰丈夫不死國而死家耶嚴江土官木公朝文奸夫也兵力甚強二酋陰藉爲助卿約木公會兵境上且諭以利害木感泣出兵往援省城二寇失助瓦解遷雲南叅政再遷按察使福

建右布政使擢南京太僕寺卿值父喪歸服除起
光祿寺卿擢右副都御史總督漕運巡撫鳳陽諸
郡事最煩劇造船築堤開月河速歲運謹盜防漕
政一新運渠塞卿與都御史劉天和協力疏導未
幾漕利上賜白金綵幣又請餘鹽并鈔關餘銀
賑濟報可尋以政務勞瘁得疾遂不起年五十八
卿體幹豐厚性度弘博接人和易中有畛域處事
安詳平安內嚴編墨爲學以古人自期志于用世

六經外卜筮曆算仙佛之術皆明其指趣在鶴慶
嘗爲文示諸生言舉業之弊詩文之弊道學之弊
謂皆非古切中時病弟豫貢入太學博學有高識
一門父子兄弟自可師友卿所著詩文有馬氏家
藏集行于世

崔銑字子鍾一字仲鳧叅政陞之子也資稟穎敏
誦覽絕人弱冠舉鄉試入太學與四方諸名士秦
偉馬理呂柟寇天叙馬卿張士隆相友約明經修

行母慕高虛母溺訓誥其志毅然以沫泗為師弘
治十八年舉進士改庶吉士授編修校修 敬皇
實錄同考會試率執託私其子銑拒之逆瑾竊政
銑見瑾不屈瑾怒欲加以罪其黨張綵曰北方賴
此人倡古作挫抑之不可實錄成瑾矯 旨以練
達政務為名出翰林諸臣于外銑調南京稽勲主
事益約名流講評經史瑾誅召還職時輔臣以文
筆籠絡縉紳漸成風致銑上書勸以及時悟主救

民薦賢理財強兵毋事瑣末懇懇千餘言時論題
之 經筵進講以擇相輔德納誨去讒頑戒逸豫
為勸時權倖錢廖輩在側大街之九年考績陞侍
讀以疾告歸作後渠書屋董耕授徒意泊如也
世宗即位起修 武廟實錄仍充 經筵講官擢
南京國子祭酒銑開誠心崇正義闡經學正文體
獎雋彥懲遊惰日夜冠坐講堂諸生朝夕問難響
答不倦且周貧佚老問疾賻喪士林大悅甲申議

章從府續志 卷之四
大禮有欲引銑爲助者銑耻於黨附拒絕之乃抗
疏勸 上勤聖學辨忠邪以回天變自分必得罪
已報致仕歸閒居讀書洎上折衷群言遠近從學
者衆銑教以研經飭行曰道在五倫學在治心功
在慎獨論學曰古之好異者以明志今之好異者
以昧心夫正物之謂格至理之謂物今之異言也
聖賢之道如日月五星點綴求異而不求其所循
與心祇以抗名譁世而已非昧其心與孟子曰良

知良能心之用也愛敬性之實也本諸天故曰良
今取以證其異刪良能而不挈非霸儒與論讀書
曰讀經見諸行事因事驗其經旨日誦六經不力
行則得其字耳家居十六年杜門著書日坐不貳
軒非聖人之志不存非翼經之文不閱朝臣多引
薦者愈自晦約或勸通問當道曰有義命已矣
皇太子立慎選宮僚起補少詹事兼侍讀學士銑
未至也衆想望風采比至咨政講學無虛日尋轉

南禮部右侍郎都御史王暉言。句容朱家巷爲
帝祖鄉。宜表揚。銑當覈實。乃執議曰。

皇明興王之基。失實爲罔。墳址荒唐。莫可憑據。事
乃寢。明年秋入賀。聖節冬過家。疾作。遂請致仕。
欲續士翼解春秋註孟子刪定宋元史。病劇不克。
卒年六十四。贈禮部尚書。謚文敏。銑端嚴。伉爽。言
動有矩。無世俗依阿態。鄉人擬之程伊川。平居手
不釋卷。對客談古今事。評議經史。駁正前人。陂見

咸有確論。初年陋姜文之習。抗志古昔。自唐以後。
弗屑也。翰林職專。聞望突起。其文流傳海內。稱爲

宗工。壯歲志在行聖人之道。以濟天下。閒居日夕。
則思著書明道。以傳來世。所著有松窓寤言。中庸
九大學全文。政議士翼讀易餘言。郡志。洹詞。及刪
定二程遺書中說考。晦菴文抄。文苑春秋。諸書。行
于世。學者尊爲後渠先生云。

王勳。湯陰人。少爲諸生。納粟入太學。銓授涑水知

章德府志卷之六
縣。慈於撫字。明於聽斷。衆稱其才。正德初。官。官用
事。有歸葬其親者。有。旨令衆閭會葬。所過州縣。
競事奢媚。敷恐厲民。止備牲醴數事。逆瑾聞之。忿
怒。欲立加顯禍。時閩人有家於涑水者。屢以敷清
廉爲解。瑾俾邏校入縣署覘之。室中蕭然。惟衣帶
掛壁。婦子紡績。爾瑾始信其廉。犒以肉帛。敷分給
里甲。一無所留。詭言曰。令衆感劉之惠也。時優伶
有進戲。御前者一鬼躍舞於途。諸達官過之。鬼

恬不畏懼。忽傳呼王敷來。鬼亟趨避之。問何故。鬼
曰。官不要錢。神鬼皆驚。由是敷之廉名徹於內。
廷矣。持蒙。旌獎。且令吏部移文爲天下諸官式。
擢知汾州。敷堅持廉操。終始如一。無何去官歸。來
躬耕食力。不履城市。幾三十年。始卒。崔文敏公嘗
謂朴曰。王汾州之廉介苦節。不可及也。向者面語
云。兄若終於予前。當爲兄作傳。崔舊贈敷詩曰。地
僻雲遮屋。臺高月作鄰。昔爲強項令。今愧折腰人。

勤力畦中菜。生涯壟上耘。明廷知已少。誰復問
沉淪。惜崔沒先勲。二年也。予嘗著三士歎。蓋述勲
廉介有士行云。太守剛者流。質樸矯頽俗。終歲衣
布袍。朝夕飯脫粟。抗厲觸權貴。惠澤洽鰥獨。歸來
耕石田。蕭然一茅屋。崔史今已亡。誰哉闡高躅。
胡紹先字叔孝。生而淳篤。為諸生。潔身修行。安貧
無求。有不忘溝壑之志。每以聖賢為可學。言動必
則古昔。執禮謹恪。弗懈。幽隱事母至孝。居喪一遵

朱子家禮。而哀毀過之。正德十六年。貢於春官。授
新泰訓導。新泰士咸自以為得師也。甫三載。年未
及耆。致仕歸。荒田數畝。茅屋數椽。僅蔽風雨。苦一
室以奉祖先。歲時薦享。必誠必敬。至老弗怠。每以
藜蒿自責。學者稱為藜蒿先生。卒年六十有八。歎
士及門成就者甚眾。劉格許復禮最著名。余嘗著
三士歎其一。為藜蒿云。藜蒿篤行儒。蚤慕徐孺風。
履約敦孝。養怡然。鐘鼎非同學。豈為利達所貴道在

躬一官久不調浩歸襄屢空平生恥干謁竟歿蓬蒿中

紀純字一之磁州人御史傑之子也生而穎異嘉靖二年舉進士初授戶部主事治操廉潔舉職勤恪轉本部郎中遷四川保寧知府初至郡時值久旱乃嘆曰吾始下車豈可坐視民瘼遂齋沐宿壇禱祈而雨隨至及冬少雪又為祈雪輒應郡有疑獄多原情寬宥及入覲郊外道傍數人跪擁流

涕詢其故皆前全活罪人也郡以絲織為業官未有不染指者純居三年一無所取陞按察副使兵備西寧西寧夷夏邊疆號稱難治純誠心實政恩威兼濟夷夏咸服一日巡邊見山西隘口曰此胡騎出沒處也不塞此口不息此患遂謀塞之致政家居課子孫讀書每暇端坐靜室翻閱群書雖白首不倦性誠一無偽重厚簡默接人謙恭有禮不立崖岸博學好著書所著有四書詩講義策學集

成相正錄保寧志燕石珍殿等集

王泮字文淵磁州人正德十二年舉進士再踰年授宿松知縣值宸濠之變官難赴任甫三日生擒賊黨

武宗親征軍政旁午泮兼領潛山縣事設策誅巨盜郭陽等車駕駐蹕南京驗功行賞泮以首級賊仗往所獲五十餘多為人攘官止以一級受銀牌紵幣之賜以賢調江陰興學禮賢均稅清獄省

浮費攝豪強除妖鬼之惑衆者却鹽引銀之名堂食者民畏之如神明徵授監察御史抗論時政侃直不阿疏請孝養心附宮黜張桂方霍還李本馬明衡等不報次年以疾請告還卒於家江陰立祠祀之

王科字進卿涉縣人正德十二年進士授藍田知縣藍城狹隘民大半居城外科爲拓築貳倍於舊城中苦無水乃導西山水入城以便汲更新縣治

及公署學宮。一呂先生祠。其木石諸材。咸取之所
毀。淫祠及庵寺者。僧少壯者。悉以境內尼配之。督
令還俗。藍俗婚禮論財。女有踰三十未嫁者。咸令
省禮成婚。舊俗大變。及科被徵。所生男女幾百餘。
携抱於秦嶺。拜送感飯。僧之夢諭城門守者。遇遊
僧。令詣縣。居數日。果有十餘僧至。守者收之。科隔
別審究。一人泣下曰。我婦人也。爲群僧所掠。受污
久矣。幸公脫我。乃置群僧重典。而還婦人於里。由

是邑中有神明之號。近境土賊馬隆輩三百餘徒。
謀攻藍田。科設方畧防守。及據扼隘口。且請兵勦
捕。所給械甲。急運至商南三百餘里。賊知有備。不
敢入境。以賢徵授工科給事中。後五十餘年。藍田
士民追思功德。建祠祀之。在諫垣駁宗藩修府
後夫之請。劾內監工匠冒賞之濫。上愛惜人才。六
事。又上利民生八事。咸蒙采納。疏論兵部尚書金
獻民西征無功。欺罔三罪。及固原總兵趙文縱虜

殺掠寧夏總兵种勋玩寇失事風節凜凜士論壯
 之時武定侯郭勋新被 寵掌團營科奉 命點
 閘劾勋賣放軍役大獄初起劾勋交通反賊李福
 達明受賄賂暗學妖法諸罪會執政者右勋下科
 詔獄削籍為民居鄉蔬食布衣耕田治園每勸鄉
 人為善勿佞佛酗酒涉俗漸化以疾卒隆慶初
 世宗遺詔追錄言官忠諫者贈科中順大夫太常

寺少卿

黃棟字大任湯陰人剛廉峭直取予不苟平生每
 嚴於自律七歲喪父事母以孝聞舉鄉試初任陽
 曲教諭舉職勤恪訓士有矩陞夏縣知縣時虜
 所至殘虐棟增築城垣民賴以安有郭向者讐人
 誣以人命累年不決棟一訊即雪其冤又田基六
 輩邑大猾也棟以至誠諭之悉化為善去之日民
 立祠祀之陞太原通判督兵防禦代郡調度有法
 戎務克振擢兗州同知專理泉務時運道淤塞棟

濬通二載不畏權勢遂成永績在任九年陞平涼
知府時 韓藩祿糧多爲豪宗強買貧弱罕霑實
惠棟以時躬自給散杜絕請託豪宗一無所利卒
以躉直罷官歸行之日送者絡繹于道至五六十
里行李蕭然惟圖書數卷衆嗟歎久之棟歷官三
十年家居一如寒士卒年七十有六

鄭鎬字化遠父理任彰德衛千戶鎬蚤孤然篤學
能自立也擇持廉介剛直且不阿年踰三十始舉于

鄉三試不第授蒲城教諭正身端範嚴立文會躬
爲講授士習丕變蒲俗婚姻重財嫁娶多愆期鎬
以禮勸諭且出俸助貧士婚邑人化之陞交城知
縣交素刀疲吏胥多闕公牘散失豪右攬納租賦
官不能禁積逋數年鎬清正自持手親簿書帑藏
詞訟諸務立法井井公帑羨贖歷歷登籍悉可覈
實由是豪右帖服租賦易徵邑東郭多居民屢遭
虜患鎬爲築外城衛之又於官路督民植柳剪供

館薪省民冗費後值歲歉民多採食全活者甚衆
陞安州知州州居九河下流秋水浸城鎬築堤障
水民賴以安帑藏明察視交城益加詳慎上官屢
稱服焉明年入覲即請致仕州民詣闕保留鎬辭
益力竟得 俞旨歸來隱居鄉野有田一夫躬耕
自給環堵蕭然僅蔽風雨閉門謝客足跡未嘗至
公府蒲城上人昔授業者及其子孫仕宦往來鄴
城必求見而後行去交城二十餘年交城士民思

鎬德政立祠以祀卒年八十一

劉格字正之安陽人都憲潺之從子也幼聰敏髫
年器度老成且行尊族人皆嚴事之始受學蓼蒿
胡先生繼師事崔文敏公績業後渠格謙恭溫厚
與人交有終始飲後儀益謹飭爲文清潤典雅工
於楷書雖急遽亦不苟成如其爲人兩姊嫁而早
逝俱遺有子女格撫育至成立且爲婚嫁歲入不
足至稱貸舉事其厚倫敦義類若此嘉靖元年舉

鄉試踰十七年銓授保定通判專理馬政格素厲
名節恒以循良自許莅官首嚴關防絕請謁禁常
例之覬革科歛之擾下者理訟行政一以公恕利
民爲務一時上官暨僚案多重其賢會車駕幸
承天保定首郡供應繁重取辦倉卒朝廷遣官
督責嚴亟日夜奔走至廢飲食格儒生素不能勞
役者竟以憂瘁嘔血卒于官

許復禮字仁甫安陽人元名臣許文忠公有壬六

世孫也端重淳謹俄度甚偉篤學攻文不喜嬉游
少嘗受學胡藜蒿里澹齋二先生弱冠爲諸生師
事後渠崔公業益精嘉靖十年舉于鄉踰四年舉
進士試政戶部時尚書儉庵梁公材嚴約諸屬無
敢怠肆者復禮偶以風雨入部失期梁公面數之
遂自悔咎刻厲勤慎公務無巨細必躬歷而後即
安不以委諸人也授刑部主事當宿省先是諸司
悉委胥役復禮曰抱關擊柝賢者不耻倘變出如

典守何乃親歷犴狴弗憚勞瘁張愚者挾貳貨子
錢負者輒暴治之笞傷左股求同官未減復禮卒
論如法巨猾劉東山數起大獄株連朝貴詔下
刑部獄衆畏其凶黠推復禮往械繫不少貸衆駭
異之富民盧寧毆叔死復禮置於辟寧厚賂郎中
駁其要且諧于尚書唐公龍唐謂復禮曰爾固素
執法法律多變盍更思之對曰殺人者死况叔乎
唐默然益重其賢每按獄必躬驗至例給食飲藥

餌戒勿失時父喪解任服除補職方主事督諸軍
巡邏嚴號令謹校閱惰而逸者痛懲之神機營缺
伍詔補之請託者紛至悉裁以法弗少假借雖
至叢謗不恤也歷兩部踰三年人莫能干以私有
巨璫語人曰舉朝皆若許公我輩不能行矣三載
考績銓部署曰執持堅定綜理詳勤時稱不愧名
實告歸終養疏凡五上始得俞旨歸來杜門謝
客建慈孝堂以奉母日求甘旨供養自給則疏糲

母歿貧至無以為歛悉出笥中冠服書史易之通顯過鄴者每式其廬竟不獲見餽遺悉却之人有譽其清苦者乃自題其壁曰敢妄希清苦養高惟恐蹈醉生夢死當道重其行欲薦之固辭不出命子于書六經讀之曰讀書日務求理會身心不徒取科第為也所著有家學就正上下篇及遺藁藏于家卒年五十有七

李秦字仲西臨漳人。生而穎異。嘉靖十三年舉于

鄉。明年登進士。改庶吉士。授刑科給事中。尋轉吏科左條陳時政六事。上嘉其之。著為令。陞禮科

都給事中。時分宜任禮部尚書。新有寵子蕃。頗放縱。納賂秦。抗疏劾之。分宜惶懼。訴辯。疏雖留中。不報。而秦聲望大著。後竟遭中傷。調倅大名。分宜屢因考察。欲罷秦。奪於公論。不果。秦在郡。聽斷明允。屢白疑獄。有濬民屈際者。素虐其妻。妻逃去。妻父告際毆死。沉屍於河。指際讐僕。證其事。際誣服獄。

成數歲秦閱案疑之密訪於五橋堡民家獲際妻
際得開釋歲饑上官委秦施賑旬日徧歷十一邑
給散有法全活甚衆郡守載之守魏錄永爲荒政
式陞鳳陽同知父喪去任服除陞戶部郎中尋丁
母喪服除補武選郎中陞通政司右叅議遷左通
政自嚴氏專政滯外內二十餘年後竟爲其黨
所排歸來結廬河上名曰知止時與朋舊吟咏灌
蔬種芋此外無所事也卒年七十

李學詩字子興安陽人郡東田居農家子也幼有
大志矢心向學雖衣食弗給而處之晏如常携書
隴上讀見者異之補邑校諸生爲父徭役故謁令
令見其質樸少之試以文援筆輒就詞理奇雋令
大驚謝是秋舉鄉試踰七年乙丑舉進士授棗強
知縣清慎剛明聲績蔚茂有民某甲者女使臨嫁
忽亡去踰三日殺于門女家訟甲于官刑迫誣服
學詩閱成案疑之曰豈有殺人而不自置

門外者乎。問甲曰：汝事真乎？甲曰：願抵死乞免刑責爲幸。學詩益疑之，默禱于天。祈夢，夜夢手刃兩人，寤曰：獄有歸矣，必二人殺之也。乃密訪衢市，得兩點少，同業酷女，頗來沽私，與通。女懼事露，陰求避匿。二人者共謀戕焉。學詩併擒其妻，研究得其情，寘二人於法。某甲得釋，有巨盜負樓拒捕，學詩素不閑射，躬執弓矢，盜自牖窺，一矢斃之，氣奪俱獲。人多稱焉。擢監察御史，理鹺。維揚豫戒家人毋

黷貨，至則察奸剔蠹，宿弊盡釐。果有微商持重賄，潛伺於其里門者，家人即發其奸，學詩轉聞于上。命吏部紀錄優擢，自是巡察者多踵其事。風紀大振。先是維揚行臺傳有狐妖，下人多被擊忤，前使者因疑畏成疾，學詩曰：古言德能勝妖，邪不干正。吾欽命官，吾持法公秉心正，彼妖邪小物，何懼爲？比至，有以狐言者，即正言諭之，不爲動。居歲餘，妖微見影響而已，無甚異也。繼按蘇松諸郡，伸

究理枉摧豪擊奸一以憲紀行之無觀望阿附意
雖政不用猛而權豪斂戢貪汚者聞風解去御史
胡濬直諫被黜首疏薦之再按江右未幾父喪歸
服闋補官理道事情都邑貪縱風熾乃條奏禁貪
七事上嘉納之且勅部院著實舉行有旨
下所司進供金珠寶爲歲例學詩率臺僚上疏諫
止舊屬被薦以金來謝者悉却之曰楊伯起何人
也巳卯命覈留都文卷尋改提督江南學校振

厲士風文體黜異崇雅陞大理寺丞踰年卒于官
學詩長身偉幹凝重無傲天性孝友寡言笑語無
欺誕行無矯飾好惡一揆于正不隨流俗低昂余
嘗語人曰李子真實無僞殆不失赤子之心者其
後宦轍所至輒有名績余又曰李子質直而好義
其達也固宜壽止四十有七郡人多悼惜之

王邦植字國寧磁州守禦所人府谷知縣潺之子
也生而駢脇巨臂筋如蟠虬膂力絕人里中稱爲

王千斤云嘗補州學生食廩矣非其好也乃學騎射窮韜畧有請纓擊單于頸之志日擐甲持大刀重數十斤鐵簡倍於常簡時對客爲戰鬪擊刺狀談及邊塞戰陣事則勃然思奮自憤無階以進乃如京師游縉紳間見者咸壯而異之嘉靖二十一年邊警頗急詔舉才勇言官薦邦植於朝部檄宣大贄畫總督侍郎翁公萬達與語奇之延入幕府遇以國士邦植亦幸效用益以忠義自負再踰

年虜入寇翁遣邦植同叅將張奉率義兵五百騎守鵝鴿峪虜以數騎躍馬來邦植楚而擊之明日虜復遣百餘騎來戰邦植與奉謀可悉取殲之從者止之不聽竟馳以往喻峪口數里忽見大陸溝中虜伏兵起約三萬餘列兩翼而陣邦植激衆奮勇以矢石急擊而身自引弓射殺虜首虜益憤合圍數重戰兩日夜邦植斬虜甚衆虜欲生得邦植佯開一路令潰圍出邦植曰誘我也枕山以待外

章德所紀志 卷之四
援不至。虜騎益衆。我軍損亡殆盡。明日虜計邦植危困。督衆來縛邦植。手提鐵簡。又搥殺十餘人。力竭遇害。虜故壯邦植。環其尸相視。嚙指。翌日虜退。我軍與其尸而歸。後有自虜中還者云。諸部落皆悲泣。謂是殺死傷不可勝紀。初邦植之死也。諸鎮將吏知與不知。皆爲盡哀。萬達親爲文祭之。已乃上疏請錄卹。如張世忠故事。賜謚贈官立祠。與奉並祀。而以李尚倫等八人附食。詔從之。贈邦植

都指揮僉事。廕子化熙爲潞州衛世襲正千戶。李尚倫者。字希仁。安陽人也。少習舉子業。試不遂。嘉靖十四年。武舉中式。授彰德衛所鎮撫。部檄赴延綏軍門。贊畫以功。級陞百戶。還後。檄赴宣大。與邦植相左右。遂同遇害云。尚倫豐髯碩軀。雄偉有膽畧。善騎射。兼以久歷邊陲。屢經戰陳。頗以功名自許。亦奇士也。贈指揮僉事。廕子捷。彰德衛世襲正千戶。

孝行

李聰林縣人幼有至性生母中蚤喪即知哀毀事
父暨嫡母力田供養同傭佃作息者十餘年父卒
哀痛幾絕既葬欲廬墓側念母缺養歸朝夕拜問
安否食必親進母食或減即跪請故家貧肉不能
豐母或分食諸孫聰泣曰兒痛事父日短夫婦誓
不食肉忍啖孩童耶母感泣納其言母衰痺不能
行聰作座如肩輿狀寒則昇以就日暑則昇以就

涼族戚召必躬昇以往母壽幾九十卒遂廬墓所
朝夕悲痛終制三年先是嘗恨居貧薄葬其父乃
倡爲敬老送終會月朔人入錢三十儲以備喪行
之二十餘年而同會者咸得厚葬其親年七十三
卒鄉人稱曰前有郭巨後有李聰云

崔汲文敏次子幼質聰穎長服庭訓對客談論亶
亶不竭皆當代賢士大夫所稱述者性篤倫理行
敦孝弟弱冠居母喪一遵古禮衣食茹淡者二年

父卒隆冬衰布涉冰雪走千里上疏請

卹典旅邸苦凶若在喪次饋粥水飲鹽醯不入口
形容悴至骨立卿士大夫弔者慮其瘠勸稍節抑
但唯唯泣謝竟不變歸廬外寢終制乃復常先後
督學固安楊公清江教公德平葛公俱嘉獎焉表
其門曰孝行

郭田安陽人品學性行醇篤居貧修志慕古力
學授徒澹泊自甘父喪既葬廬於墓側屆禫方歸

母喪亦如之督學及守令咸嘉其為表其門曰孝
行年踰八十卒

孟桐安陽人性行淳樸居父母喪遵朱子家禮黜
浮屠既葬廬於墓側朝夕泣奠禫始返鄴中士
人多稱其行云

鄭世安字時寧安陽人郡學生事母至孝事前母
兩兄恭讓無間言志行修飭言動不苟居家內外
肅如也明經授徒矩度嚴整服其訓者駸駸日有

進益朴十一歲時先公聞鄭先生行修善教遣朴
受業先生授以毛詩句讀畧為講解文義以朴性
資可進訓督視他生益加嚴舉止稍涉輕慢必厲
色斥之朴自咎省惟謹不敢有怨也及門僅五月
先生遽卒其後朴稍長徧詢鄭先生素行同時之
士無有不稱其賢者朴嘗為三士歎其一誅鄭先
生云鄭子信雅士力行標古式含章內自耀淵穎
人靡測事母隆慈愛訓徒敦器識良玉琢未沽長

奮屢抑命天嗣靡延懷哉更悽惻

貞節

鄭氏安陽人校丁王弼妻弼死鄭年二十有八即
捐脂綺撫育遺孤誓死不貳嘉靖初太行賊百人
夜斬關入掠王氏貲鄭泣曰此屬固善汚人者吾
豈可受暖昧名耶即躍身樓上墜下死事聞
勅旌其門

張氏磁州人劉三友妻三友病冬月劇寒張單衣

奉湯藥每籲天求代三友病甚語張曰汝年少我
死柰何張泣曰妾力竭矣定與君同亡三友死張
縊于園樹下姑曹氏覺救免復縊鄰居趙媪救免
家人晝夜看守至殯期修齋張怡然供事人不爲
防夜半整衣自縊死事聞奉
聖旨旌表其門

曹氏武安人王宣妻生子紹未踰月宣卒曹時年
二十姑憐其少諷令改圖曹以死自誓勤紡績以

養姑而子紹賴以成立曹孀居四十餘年志節卓
然弘治中奏聞 旌表曰貞節之門

杜氏武安人任倫妻倫卒時杜年二十哀毀篤至
欲以身殉家人防守甚密杜方有娠而一孤尚在
孩提杜苦心勵志躬親蠶績孝事孀姑慈撫二子
內政嚴肅迄三十餘年嘉靖中有司上其事
勅旌曰貞節之門

石氏武安人生員王謨妻謨疾革與石訣曰汝能

養吾翁媪育吾嬰稚乎吾死且瞑矣石時年三十二泣曰唯唯謨卒石哀毀骨立矢志靡他事翁姑孝甚撫孤引年成立孀居三十餘年閨門肅如也嘉靖中有司上其事勅旌其門

吳氏彰德衛人郡學生高金妻金故殞殮畢即欲從死有二遺孤日牽袂泣涕後伺長孤寢計給幼者遂自經家人覺救之已絕猶執幼孤手有司表其門曰貞烈

孫氏安陽人張世英妻英病且死囑曰汝幼可更適孫佯諾英卒孫方有娠欲繼夫死姑曉之曰女俟分娩後死未晚也孫弗聽甫三日即自經於柩前一時弔者咸歎其烈

焦氏安陽人劉嘉仕妻年方十八仕暴疾卒焦欲從死取篋笥衣服及文券盡焚之廩儲悉給貧者示不復用甫七日家人防少跡即自縊于柩前顏色如生見者莫不垂涕提學副使袁公扁其門曰

貞烈

楊氏王佺妻本山西人僑寓安陽佺父母見其貞淑娶為佺妻佺暴疾死楊痛哭不已誓以身殉遂絕飲食數日卒

師氏磁州民陳倉妻倉受師方二十四歲撫育幼子誓不再嫁後遇強賊黎時熙持刀夜入欲凌之師堅執不從惟刃而斃州官察知捕之急時熙自縊死

李氏安陽人唐造妻造故李年二十餘無子守志四十餘年壽七十三卒

牛氏安陽人申瑁妻瑁卒牛年二十餘無子矢志守節貞靜專一戚黨莫得見其面歷五十餘年始終不渝壽幾八十而卒

鍾氏安陽人張環妻年十九歲環死鍾籲天誓死不貳後幼孤希孟撫養成立卒年八十有司表其門曰貞節

馬氏安陽人譚成妻成死馬年二十有八遺一孤
訓之業儒終始無玷卒年七十有六有司表其門

曰貞節

韓氏安陽人姚相妻相故遺孤三韓年二十九撫
育甚劬族人利其產逼令他適韓自醫其臂以見
志孀居六十年三子俱成立韓壽八十九無疾而
終

邵氏彰德衛人余文隆妻隆死邵年二十有三或

憫其幼而無子勸令他適邵曰吾不繼夫亡者為
舅姑衰老之人養耳豈效彼狗彘為乎卒終養守
志四十餘年壽六十有六而終

韓氏安陽人劉興妻興故韓年二十五躬紡績以
自給三十年未嘗一出戶限郡守賀常二公咸表
其門曰貞節

路氏安陽人生員胡來享妻年二十四歲夫死翁
姑在堂遺孤甫六月躬紡織以養艱苦百狀不改

初志歷四十四年而卒壽六十有八有司表其門曰節孝

李氏安陽人曹繼宗妻繼宗死李方二十五歲紡織訓子終身弗貳至六十二歲終

胡氏安陽人秦仲寶妻寶病胡籲天以身代比死胡即欲引決親識慰之曰汝方娠而舅姑又老汝死于節全美如無後何胡始復食及期果育一男撫孤終養三十餘年未嘗出戶限提學副使楊公

以粟布給之表其門曰貞節

冀氏安陽人吳海妻海故處女無遺貲冀年方少躬紡織以自給撫孤業儒蚤成成名三十餘年一節凜然有司表其門曰貞節

徐氏安陽人邑庠生鄒少淳妻淳故徐年十九以死自誓守志弗貳歷二十餘年冰蘖之操如一日未及奏聞遽以疾卒

全氏判官王藩繼室也藩死全年二十二歲守節

不渝前室子表事全以孝稱表卒家益衰落全備
歷艱苦撫育幼孫成立卒年七十三

張氏安陽人王遵孟妻娶僅一載餘遵孟故張年
十八遺孤甫四月張哀慟絕飲食者三日欲以死
殉諸親勸之曰汝死孤亦不保柰夫無後何始食
艱苦百狀歷三十三年郡人咸稱其節

阮氏湯陰人陳志言妻夫卒時阮年十七遺孤甫
七月父母欲奪其志阮以死自誓事孀姑至孝勤

紡績以自給未幾志言兄浩言亦卒妻王氏時年
二十五無子女所親或勸之曰阮守為有子也汝
守何為主曰阮子即吾子與阮事姑撫孤咸無異
志一門三孀孤在襁褓零丁孤苦艱辛萬狀母卒
哀葬成禮子亦成立二氏年俱七十餘以疾終知
縣朱可進表其門曰一門雙節

王氏臨漳人馮韶妻年十五歲適韶踰年生一子
韶即病卒家甚貧王矢志靡他雖日不再食而足

